

Gaixotasunak ez hedatzeko borroka du lehentasuna

Laguntzekin ere, 10 urte baino gehiago beharko dira lehengora itzultzeko

Mitch hurakanak txikitutako Erdialdeko Amerikako herrialdeak egunerokotasunera bueltatzen hasi dira pixkanaka. Garbi dago, ordea, lehengora itzultzeko beharrezkoa izango dela 10 urte baino gehiago igarotzea. Baina nazioarteko laguntza datozen hiru urteetan etengabea izanda ere, nekez suspertuko dira herrialde horiek.

Erredakzioa / Donostia

HONDURAS-EN egin dituzte txikizio handienak Mitch hurakanaren astindu bortitzek. Alemaniak 23 milioi dolarreko dirutza eskaini zion atzo herrialde horri (3.243 milioi pezeta-900 milioi libera), baina atzerriko herriek Hondurasi kanpo zorra barkatzea da Alemaniako Gobernuaren nahia. Izan ere, Tegucigalpak 4.300 milioi dolarreko kanpo zorra du, eta hori ordaindu behar ez badu, errazago berreraikiko ditu azpiegiturak.

Heidemarie Wiczorek-Zeul Elkarlanerako ministro alemaniarra Carlos Flores Hondurasko lehendakariarekin elkarrizketatu zen atzo, Tegucigalpan. Wiczorek-Zeulek 2,5 tonako hornikuntza eman zion Flores zuzenean, batik bat jakiak eta sendagaiak.

Alemaniko ordezkari bat Hondurasetik barrena dabil, hurakanak txikitutako guneak ikuskatzen eta kaltetuen beharrik gainbegiratzeko. Ondoren, Nikaraguara joango da ordezkari bat.

Hurakanak El Salvador, Guatemala, Honduras eta Nikaragua lurraldeak suntsitu zituenetik hiru aste inguru igaro dira. Lehengo irudi beldurgarriak atzean utzi eta gero, herritarren osasun egoera da kezka nagusia, eta lehentasuna hartu du epidemiarik ez sortzeko borroka.

Espainiako Gurutze Gorriak 85 tona txerto igorri ditu Honduraserara, baita osasun arloko tresnak eta ura tratatzeko plantak ere. Herrialde horretan, dagoeneko azaldu dira lehen gaixotasun larriak, Espainiako Gurutze Gorriko lehendakari Jose Manuel Suarez del Torok esan zuenez.

Kolera hedatzeko arriskua dago, eta dengea zabaltzen ari da.


Suarez Erdialdeko Amerikako lau herrialdeetan barrena ibili da. «Itxuraz, lasaitasuna da nagusi, baina hondamendia ikaragarria da», azpimarratu zuen. Espainiako Gurutze Gorriko lehendakariak argi utzi zuen El Salvador, Guatemala, Honduras eta Nikaraguak laguntza jaso behar dutela datozen hiruzpalau urteetan, berreraikitzea egokia izan dadin.

Nazioarteak hamar urtez laguntza bidalita ere, nekez itzuliko dira lehengora, Suarezen iritziz. Kontuan izan behar da Nikaragua eta Honduras direla Latinamerikako herrialde txiroenak. Honduras da pobreena, Haitiren ondoren.

Herrialde horietan zubi berriak eraiki dira, eta urek behera egin dute. Horri esker, pixkanaka normalizatzen ari dira, eta gune batzuetan komunikazioak hobetzen hasiak dira. Hala ere, Honduras eta Nikaragua iparraldeko komunitate batzuetan inor ezin izan da sartu oraindik.

Guatemalako Gobernuaren plana • Guatemalako Gobernuak abian jarri du herrialdea berriro eraikitzeke plana. Lubiziek eta uholdeek hondatutako 20.000 herri berriro eraikitzeke plana da, eta, gainera, nekazaritza guneetan landak txukundu nahi dira lurra berriro landatzeko. Herritarrek elikatzeke plana ere bada.

Alvaro Arzu lehendakariak mezua irakurri zion nazioari herenegun, plana aurkezteko. «Kaltetuen eguneroko bizitza normalizatzea du helburu pla-



ITURRIA: FEMA, Tropical data for Atlantic, El Pais, Herrialde bakoitzeko gobernuak.

J. APEZTEGIA

nak, kalte fisikoak osatu eta herrialdearen produkzio gaitasuna berreskuratzeko».

El Salvador, Guatemala, Honduras eta Nikaraguako gober-

nuek hildakoen eta desagertuen azken kopuruak kaleratu zituzten atzo. Hondurasek 6.600 hildakoak eta 8.052 desagertuak; Nikaraguan, 2.457 hilda-

koak eta 885 desagertuak; Guatemalan, 258 hildakoak eta 276 desagertuak; eta El Salvadorren, azkenik, 175 hildakoak eta 65 desagertuak. X



NOVIEMBRE AZAROA
9 — 22

Pza. de la Provincia
Vitoria-Gasteiz

lunes-viernes:
9.30h.-13.30h. y 16.00h.-20.00h.
sábados y domingos:
10.00h.-14.00h. y 16.00h.-20.00h.

EXPOSICION

ERAKUSKETA

nuestra agua

gure ura

un tesoro
para todos

guztionez
altxor bat



Diputación
Foral de Alava
Departamento de Obras
Públicas y Transportes

Arabako
Foru Aldundia
Herriak eta
Garraio Sektorea

ALAVA
ARABA